

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
აკადემიური საბჭო

მისამართი: 6010, ქ. ბათუმი,  
ნინოშვილის ქ., №35

ტელ/ფაქსი: (+995 222) 7 17 87  
ელ. ფოსტა: info@bsu.edu.ge

დადგენილება № 31

2016 წლის 27 მაისი,  
ქ. ბათუმი

„რსუ-ს აკადემიური საბჭოს რეგლამენტის დამტკიცების შესახებ“ ბსუ-ს აკადემიური  
საბჭოს 2010 წლის 14 ივნისის N65 დადგენილებაში ცვლილებისა და დამატების  
შეტანის თაობაზე

„უმაღლესი განათლების შესახებ“ საქართველოს კანონის 21-ემუხლის 1-ლი  
პუნქტის, ბსუ-ს წესდების მე-8 მუხლის საფუძველზე ბათუმის შოთა რუსთაველის  
სახელმწიფო უნივერსიტეტის აკადემიურმა საბჭომ

დაადგინა:

1. „რსუ-ს აკადემიური საბჭოს რეგლამენტის დამტკიცების შესახებ“ ბსუ-ს  
აკადემიური საბჭოს 2010 წლის 14 ივნისის N65 დადგენილებაში შევიდეს  
ცვლილება, კერძოდ:

ა) რეგლამენტის 4.3. პუნქტი ჩამოყალიბდეს შემდეგი რედაქციით:

„4.3. აკადემიური საბჭოს სხდომა მოიწვევა რექტორის ინიციატივით ან  
აკადემიური საბჭოს წევრების 1/3-ის მიერ. აკადემიური საბჭოს სხდომაზე  
განსახილველი საკითხის შესახებ განაცხადი, დადგენილების პროექტთან ერთად,  
როგორც წესი, აკადემიური საბჭოს სამდივნოში უნდა შევიდეს სხდომის  
გამართვამდე არაუგვიანეს ერთი კვირისა. აკადემიური საბჭოს სამდივნოს  
უფროსი აკადემიური საბჭოს თავმჯდომარესთან შეთანხმებით სხდომის დღის  
წესრიგის პროექტს (დადგენილებების პროექტებთან ერთად) დაუგზავნის  
აკადემიური საბჭოს წევრებს, რომელთაც შეუძლიათ ორი დღის ვადაში დღის  
წესრიგის პროექტში დამატებით შეიტანონ განსახილველი საკითხები.  
აკადემიური საბჭოს სხდომის დღის წესრიგის საბოლოო პროექტი სამი დღით  
აღრე ქვეყნდება ბსუ-ს ოფიციალურ ვებგვერდზე და სტრუქტურული  
ერთეულების (კანცელარიასთან, ფაკულტეტების და დამოუკიდებელი კვლევითი  
ერთეულების) საინფორმაციო დაფებზე.“

ქეთი სხიხია



ბ) რეგლამენტის 4.5. პუნქტი ჩამოყალიბდეს შემდეგი რედაქციით:

„4.5. აკადემიური საბჭოს სხდომა არის საჯარო. საბჭოს სხდომაზე მონაწილეობის მისაღებად შესაძლებელია მოწვეული იქნან პირები, რომლებიც დაკავშირებული არიან სხდომის დღის წესრიგის საკითხთან. აკადემიური საბჭოს სხდომაზე დამსწრე წევრთა 2/3-ის გადაწყვეტილებით შესაძლებელია აკადემიური საბჭოს სხდომა ან მისი გარკვეული ნაწილი (რომელიმე საკითხის განხილვისას) დაიხუროს ან ჩატარდეს ფარული კენჭისყრა. საბჭოს სხდომა მიმდინარეობს არაუმეტეს სამი საათისა. სხდომის მიმდინარეობა შეიძლება გაგრძელდეს დამსწრე წევრთა 2/3-ის გადაწყვეტილებით.“

გ) რეგლამენტის 4.13. პუნქტის შემდეგ დაემატოს შემდეგი შინაარსის 4.14. პუნქტი:

„4.14. აკადემიური საბჭოს სხდომაზე მიღებულ დადგენილებას ქვეყნდება ბსუ-ს ოფიციალურ ვებგვერდზე, ხოლო ბსუ-ს ოფიციალურ ბეჭდვით ორგანოში, გაზეთში „ბათუმის უნივერსიტეტი“ - აკადემიური საბჭოს შესაბამისი დადგენილებით განსაზღვრულ შემთხვევებში.“

დ) რეგლამენტის 5.2. პუნქტი ჩამოყალიბდეს შემდეგი რედაქციით:

„5.2. აკადემიური საბჭოს სამდივნო, აკადემიური საბჭოს თავმჯდომარესთან შეთანხმებით, ადგენს სხდომის დღის წესრიგის პროექტს, რომელსაც ამ რეგლამენტის მე-4 მუხლის შესაბამისად აწვდის ბსუ-ს აკადემიური საბჭოს წევრებსა და ორგანიზებას უწევს ბსუ-ს ოფიციალურ ვებგვერდზე მის გამოქვეყნებას.“

2. დადგენილება გამოქვეყნდეს ბსუ-ს ოფიციალურ ვებგვერდზე.
3. დადგენილება ამოქმედდეს ხელმოწერისთანავე.

აკადემიური საბჭოს სხდომის თავმჯდომარე,  
პროფესორი

გურამ ჩაგანავა

გურამ ჩაგანავა

